

3. oktober 2013

UKA 2013/33
Hans Enoksen

Nunatsinni avatangiisinut aningaasaateqarfimmik pilersitsinissaq sulissutigeqqullugu kiisalu Inatsisartut aningaasanut inastisaanni konto 24.11.23-mi naatsorsuutit, nukissiornermi ikummatissanut avatangiisit pillugit akitsuutikkut isertitat avatangiisinut aningaasaateqarfimmut atugassanngorlugit immikkoortinneqartalernissaat sulissutigeqqullugu Naalakkersuisut peqquneqarnissaannik Inatsisartut aalangiiffigisassaattut siunnersuut.

(Inatsisartunut ilaasortaq Kim Kielsen, Siumut)

Inatsisartunut ilaasortaq Paamiormioq Kim Kielsen, Siumut siunnersuuteqarpoq nunatsinni avatangiisinut aningaasaateqarfimmik pilersinissamik, siunnersuut soqutiginarpoq aammalu avatangiisinut mianerinninnissamik siunnerfilik Siumumit imatut oqaaseqarfigissavarput.

Pinngortitamik asseqanngitsumik nunaqarpugut inuuffigineqarsinnaasup killerpiaani avatangiiseqarluta peqqarniitsumi allaat inuiaat allamiut inuuffigisinnaanngisaanni, tassuunalu takusinnaavarput avatangiiserput pinngortitaq tunniussinnaasaalu qanoq killeqarsinnaatigisut, avatangiiserput uumasuilu paarilluannngikutsigit.

Taamaattumik akisussaaffeqarpugut inuttut ataasiakkaarluta aamma akisussaaqataassalluta, uumasut avatangiiserput pinngortitarlu mianeralugit atuinermik ingerlatsissalluta.

Isumaqqanngilarmi ullumikkut inuusugut kisitta pinngortitaq atussagipput, taamaattumik akisussaassuseqartumik kinguaatsinnut pinngortitaq avatangiiserpullu tunniullugit ingerlaqqissagutta ullumikkut avatangiisitsinnik atuinerput allanngortilluinnartariaqarparput, akisussaasseqarnerusumillu ingerlatsilluta, suliffeqarfiugutta ingerlatseqatigiiffiugutta imaluunniit inuttut ataasiakkaatut inoqataagutta.

Ullumikkut nunatsinni avatangiisinik atuinerput taamak isikkoqartillugu ingerlatsinerput illersorneqarsinnaanngilluinnartuq ilaatigut takusarparput, eqqagassat pinngortitami mianerluinnartumi qanoq soqutigittaatsigaluta igitassarpassuarnik eqqaallutalu isiginnaaginnarnerput akueriinnarsinnaajunnaarparput.

Avatangiisit paarilluarneqarnissaat aamma kommuunit annertuumik akisussaaffigaat kivitseqataaffigisariaqarlugulu, illoqarfinni nunaqarfinnilu eqqaaviit ilaatigut illersorneqarsinnaanngilluinnartumik nakkutigineqarput, oliakut batterikut sorpassuillu pinngortitamut avatangiisitsinnullu navianarluinnartut soqutiginagit eqqaavinnut eqqarpagut tamannalu akisussaassuseqanngitsuliorneruvoq akuerinarneqarsinnaajunnaartuq.

Ullumikkut avatangiisinut akitsuummik orsussamik atuinerput malillugu akiliisarpuqut, akiliuteqartarnerpullu massakkumut avatangiisitta illersornissaanut suli sunniuteqanngilaq, uffalu sumut tamaanga eqqaalluta aallaarsimagutta asiarsimagutta ilami illoqarfiup nuna-

qarfiullu iluani maangaannaq eqqaavallaaqaagut isumaqarluta allat suliarissagaat taamatullu eqqarsartarnerput allanngortilluinnartariaqarparput.

Assersuutigalugu upalungaarsimanagerput avatangiiserput innarlerneqassagaluarpat qanoq piareersimatigaagut? Soorunami oqartoqassaaq piareersimavugut. Aap kisianni uuliaarluertoqassappat qanoq piareersimatigaagut nassuerutigisariaqarparpullu pisinnaasagut killeqartorujussuusut.

Gas-sinik silaannarmut kissakkiartortitsisartunik angerlarsimaffinnut kiassarnermik anner-tuumik atugaqarpugut, orsussanik angerlarsimaffippassuit ilaatigut illut pitsaajunnaarlui-narsimasut kiassarnermik annertoorujussuarmik atuiiffiusut atorpagut atortillugillu, taman-nalu aamma massakut ilanngullugu eqqarsaatigilluartaqarparput ilumut taamatuinnaq ingerlassanerluta.

Angerlarsimaffippassuit oqorsarluakkat pitsanngorsarneqarnissaat aamma avatangiisit gas-sinik kissakkiartortitsinnaasunik kiassarneqartut aningaasalersussaallugit kajummin-nerusariaqarpugut tassami aamma taamaliornitsigut nukissamik atuiineq millisarsinnaavar-put taamaaliornitsigullu aamma avatangiiserput illersussavarput.

Ilanngullugu Siumumit paaserusunnarput Amerikamiut sakkutoqarfigisimasaanni mingut-sitsiffiusimasuni saliinerit qanoq ingerlanersut.

Taamatut oqaaseqarluta siunnersuuteqartup Kim Kielsen-ip siunnersuutaa nunatsinni ava-tangiisinut aningaasaateqarfimmik pilersitsinissaq tamakkiisumik Siumumit taparserparput.